

靈寶無量度人上品妙經卷之三十八 黃八

神符除難品

道言昔於赤靈丹天耀華明輝八威神闕受  
元始度人神符除難祕奧妙品元始天尊當  
說是經周迴十過以召十方始當詣座天真

大神上聖高尊妙行真人無鞅數衆乘空而  
來宸霞映虛翠轂瓊軒華芝寶蓋明彩纏輝  
萬光滢燦圓景合鮮五日五夜諸天妙氣交  
文煥落龍光鳳徊鬱藹自然一時成章靈風  
爽徹星宿停輪萬景廓奕氛穢消澄一國地

土山川林木七寶凝華緬平均等無復高下  
土皆作瑞雲浮鬱離羅之色衆真侍座元始  
天尊玄坐空浮八靈九變神圖玉局之上說  
經一遍諸天大聖同時稱善是時萬界廓清  
靈風散煙天發玄瑞地發祥應慶會咸臻普  
及含生說經二遍魔癘滅形丹刻麗空說經  
三遍災疾消除說經四遍自然靈章映現八  
虛說經五遍人民達悟符章之因說經六遍  
敬奉靈文皆獲道真說經七遍寶章玉書開  
度無窮說經八遍三光妙氣灌絡形神說經

九遍苦魂受化鍊度朱陵說經十遍國祚安  
鎮永保升平是時一國是男是女莫不傾心  
皆受護度咸得長生

道言是時元始天尊說經一遍東方無極度  
符神王至真大神無鞅之衆浮空而至說經  
二遍南方無極度符神王至真大神無鞅之  
衆浮空而至說經三遍西方無極度符神王  
至真大神無鞅之衆浮空而至說經四遍北  
方無極度符神王至真大神無鞅之衆浮空  
而至說經五遍東北無極度符神王至真大

神無鞅之衆浮空而至說經六遍東南無極  
度符神王至真大神無鞅之衆浮空而至說  
經七遍西南無極度符神王至真大神無鞅  
之衆浮空而至說經八遍西北無極度符神  
王至真大神無鞅之衆浮空而至說經九遍  
上方無極度符神王至真大神無鞅之衆浮  
空而至說經十遍下方無極度符神王至真  
大神無鞅之衆浮空而至十遍周竟十方無  
極主領神符度符神王天真大神一時同至  
一國男女傾心歸仰來者有如雨霧交集無

鞅之衆繁積一國地土皆震非可禁止於是  
元始於其座中凝顧玄空運大神力口吐靈  
文雲篆龍章流金散耀八角垂芒適於空際  
離合變化現一寶壇去地九丈下捧華雲元  
始登引天真大神上聖高尊妙行真人十方  
無極天宮度符神王至真大神直符將吏無  
鞅數衆俱登所現寶壇之上天人仰看惟見  
冉冉從壇四面而升既登寶壇無不容載國  
人靡散地還平正復得安靜元始即於寶壇  
之上說經都竟衆真監度以授於我當此之

時喜慶難言法事粗悉諸天復位條欵之間  
寂無遺響是時天人遇值經法皆得濟度全  
其本年除難免傷傾土歸仰普證善緣無憂  
無惱無疾無殃無驚無恐無厄無患無試無  
魔言惟道旨心惟道真齊同和樂異骨成親  
國安民豐欣樂太平經始出教一國以道預  
有至心宗奉禮敬皆得度世

道言元始天尊說經中所言並是五老上帝  
火鍊光精豁落空玄變化之根三元妙氣神  
秘內名隱韻之音亦是三天內諱百靈之隱

名也非世之常辭上聖已成真人通妙達玄能悉其章誦之十過魔王敬仰邪怪滅精氛穢蕩淨道氣合神二耀流景五華受明災癘消散却死回生至學之士誦之十過則帝真鑒祐高宸降軒密授玄言寶錄玉文總治鬼魔却伏禍姦所以然者靈音會於眇清至理合於元根妙精感激召氣致真洞化莫窮無所不神輕誦此章身則被殃供養尊禮門戶興隆世世昌熾神符除難萬災不干神明護門斯經尊妙獨步玉京度人無量爲萬道之

宗巍巍大範德難可勝

道言凡誦是經十過諸天齊到三萬六千神  
符妙氣八萬四千赤文之精灌注其身身受  
鍊養結化僊真格皆九年玉錄定生削除死  
名億曾滯魄冤繫幽沈皆受濟度各獲逍遙  
遷變生形性識洞悟敬奉微言玄功備著昇  
於九宮超凌太霞逸轡紫清也上學之士修  
誦是經九天真文皆集其真結絡靈網入其  
身中纏羅五臟養育華精延度壽考長生飛  
僊世人受誦則招集神吏符章從官三光真

宰五氣天君威靈衛護萬禍不干身鍾道氣  
死不滅真徑上南宮返化常存此經微妙普  
度無窮一切天人莫不受慶生死蒙惠上天  
所寶不傳下世至士齋金寶效心盟天而傳  
輕泄漏慢殃及九祖長役鬼官侍經五帝直  
符玉童玉女各二十四人營衛神文保護受  
經者身

道言正月長齋誦詠是經感致上元東極宮  
中長生玉真高上帝皇敷降九氣玄生之符  
保度一身九祖沈魂皆獲超脫與道合并七

月長齋誦詠是經感致中元西靈太皓宮中  
寶華上妙至極高尊宣通七氣金光玉符斷  
除業累却伏魔精罪結散釋永保清貞金真  
鍊華瓊英内生玉體堅彊長生萬年十月長  
齋誦詠是經感致下元北真紫皇玄上宮中  
玉宸大道無上元皇垂華散靈惠布五氣天  
玄太符蕩除姦穢掃滅祆凶固衛家國敷佑  
庶民帝主壽康福祿綿綿德被萬方常保太  
平八節之日誦詠是經感致八景赤精丹華  
玉文八威神策靈光妙氣下降身中灌澤九

宮三田受真百痾蠲除萬害塞源羣魔憚伏  
脫離禍難青書奏功紫籙紀僊玄功偉著昇  
景上清

道言行道之日皆當香湯沐浴齋戒入室  
東向叩齒三十二通上聞三十二天心拜

第八

五

三十二過閉目靜思身坐青黃白三色雲  
氣之中內外翳冥有六甲直符九宮掾吏  
度符神王直符將吏羅列左右日月照明  
洞煥室內項生圓象光映十方如此分明  
密呪曰

無上玄元太上道君召出臣身中三五功曹  
左右官使者侍香玉童傳言玉女五帝直符  
直日香官各三十二人開啓所言今日吉慶  
長齋清堂修行至經無量度人願所啓上徹  
徑御

無上三十二天元始上帝至尊几前畢

引炁三十二過東向誦經

元始無量度人上品妙經

元始洞玄靈寶本章神符除難妙首玉文變化無量十迴度人天真隱韻離合自然妙虛八竊大混之初靈光結體朗煥玉都分化三景稟粹七元纏綿至用總括真神標著符章統御羣靈因符而立因符而行因符而度因符而生符命所告莫敢不從禍難所臨消却無前是爲神寶元始玉文赤書內籙八會垂芒威章豁落北帝隱銘天皇鳳璽玄律女青攝邪大檄都匠合明非尸斷滅山怪摧蕪紫

庭祕奧羅布魁剛屠割鬼爽伏魔洞淵黃籙  
白簡超鍊苦魂範圍太妙宰制玄虛存亡受  
度普被無窮中有明光合變之神中有除災  
散禍之君中有消魔破害大神中有九光三  
氣丈人中有掌符定籙三光五帝威伐尊神

卷八

六

迴生起死無量度人今日校錄諸天臨軒

東方無極飛天神符除難神王長生大聖無  
量度人

南方無極飛天神符除難神王長生大聖無  
量度人

西方無極飛天神符除難神王長生大聖無  
量度人

北方無極飛天神符除難神王長生大聖無  
量度人

東北無極飛天神符除難神王長生大聖無  
量度人

東南無極飛天神符除難神王長生大聖無  
量度人

西南無極飛天神符除難神王長生大聖無  
量度人

西北無極飛天神符除難神王長生大聖無  
量度人

上方無極飛天神符除難神王長生大聖無  
量度人

下方無極飛天神符除難神王長生大聖無  
量度人

黃八

七

量度人

十方至真飛天神符除難神王長生度世無  
量大神並乘景霞綠輿羽明流輶宸耀飛蓋  
玉精寶輪驂駕驪鳳丹欵靈輿建九光瓊節  
五氣華播前嘯簫歌逸響後吹鸞鳳同鳴獅

子白鶴音韻雍雍四將啓途五帝翼轅億千  
萬乘泛皓凌煙騰輝驚電御化開玄明宸帝  
氣太微玉宮神綱主宰天靈上卿秉符執籙  
總會高清考校天地萬類之情隨品救護三  
洞敷陳告下十方五嶽神君南丹北幽河海

冥原帝命所至風火驛傳禁察袂凶削除罪  
姦至於長夜罪繫沈魂並令解釋氣穢咸蠲  
惡魔毒害孰敢當前生根寧極壽保長延神  
霄紀善青華宥愆寶章流演應會百靈皆受  
道德陽光鍊真永度三塗五苦八難超升三

界遊觀上清上清之天天帝耀靈冥无之境  
梵行

東方八天

清秘元洞天

帝竺羅啓英

遼正愬明天

帝元邵齊靈

定凝至惊天

帝府蔚徐名

精務索寓天

帝明余梵平

九墟梵度天

帝覺猶光庭

朱期符旨天

帝秘宛須

敕校峯闕天

帝呪威越淵

鬼符昭印天

南方八天

岳驅香魂天

宿耶慶白天

圖都叟裕天

第八

玄利虎延天

明斗玉符天

混无太始天

曜京誅魔天

玄城數極天

帝董道仲兵

帝歷沙王

帝蒲妙光

帝子候真生

八

帝魔定張

帝除海勃陀

帝素來育真

帝神祐元貞

帝鹿那容

西方八天

符寓金利天

威奚鋪極天

延那丘靖天

太紫限常天

歐盟俱于天

資力勝玄天

道捨崇和天

孤正驚臚天

北方八天

帝弱甫耀昆

帝華瀦淵靈

帝玉閑願寧

帝鄒父近營

帝密夫冕京

帝屈唐稽和

帝慈勝時遊

帝卷用勤登

赤宜洪陟天

帝虐龍爲

牛微元舉天

帝玄師冥回

童枚孔乾天

帝變希常玄

卓落辨蔽天

帝統監鬼師

混常化空天

帝河當灰迷

眇忭明儒天

帝喬思洞機

那羅沖與天

帝滅都好微

政奚居浩天

帝邈無九碁

三十二天三十二帝諸天隱諱諸天隱名天

中空洞自然靈章諸天隱韻天中之音天中

之尊天中之神天中玄符天中之靈五符八  
策變化上清無量之奧深不可詳敷落神文  
普度天人今日欣慶受符歷闕諸天請滅八  
難斬絕邪根飛步空常名列太玄魔王監舉  
無拘天門東斗青簡西斗素文北斗玄綱南  
斗火鈴中斗神符總監天兵青帝運仁白帝  
擁兵赤帝破暗黑帝驅精黃帝布命統制萬  
神青符神王揮英左翊赤符神王炎功破釋  
白符神王虎牙大嚇黑符神王橫吞跨驛黃  
符神王雄剛會極三符大神萬魔之尊揚旌

揮戟兵騎合驅遊行天界檢察災虞奉命上  
帝宣布真符隨感應念善士相須與道齊契  
靈光衛驅禳天神獸鐵額長顛噴煙吐火嚼  
食祿魔直符將吏旋電風行執法功曹威忿  
列陳作難之鬼幻惑神魂俱令捕錄束送冥  
冷千禍沈消福慶皆臻三元九宮關奏玄清  
赤章青簡丹書紫文玉網結斗妙用齊并該  
集冲氣永固道根

空洞玄景赤明之初飛宸煥邈靈光耀敷三  
元五德至理冥无凝華結氣著象自然杳靄

之中現出靈文翩翩耀羅赫奕萬天流金玉  
霞曲折回旋混成八朗靈芒四騫維持造化  
神明之元統運陰陽四序之行攝制萬魔威  
伏鬼精統御上極虛皇高尊開度至化流演  
微言彌綸億劫玄治司權天真皇人洞達元  
根承命制篇解釋形模連貫成章紀錄幽樞  
散布三境藏於五城隨劫顯受拯護生津小  
大定格參品分名龍章鳳書纏綿長存保僊  
度真安鎮靈闕祆害不起蕩穢合靈敷落妙  
精育養人身一身受鍊上契清玄玄中有神

三景真君五靈玄老太一尊神紫微北帝明  
威吏官執節奉符保命長延逸繼紫霄升雲  
駕龍朝拱玉軒接侍陽寥超度三災永脫八  
難七祖齊僊永離幽泉逍遙朱陵華陽洞壺  
玄恩普被無所不周浩浩法橋陶育萬生訓  
悟之科禁戒因緣善道既臻克獲推遷玉符  
開度神真散煙定簡青華關告諸天諸天之  
上各有真符中有三天靈音謠歌空洞之章  
上聖靈篇辭參高真

第一太一洞玄飛符之音

赤明開大運 妙應顯元皇 冥冥空洞中

靈文煥萬方 輝燦耀神綱 八角垂光芒

纏羅元梵精 隱靄藏神網 結書散萬篇

感化無不藏 敷落緯至用 隨氣騰威光

符命所降傳 風火馳驛龍 蕩滅妖魔迹


稟粹神明宗 永却八難厄 與道同玄功

福慶契自然 儻輪飛太空

第一元始神符泰清大赤天隱諱

已下三符並丹砂書白箔遇厄難

百試佩服貼並同用



第二太一洞玄度符之章

八會三元氣 宸華煒萬篇 虛微該妙蹟

太一秉玄權 元始垂金科 玉律按格言

隨功佩帝真 衆害咸滅蠲 神霄察善錄

定簡青華編 摧遏羣魔鋒 試敗不得行

黃老保命基 桃孩固百神 哀此紅塵子

天喪迷玄津 惟我高宸師 與世爲梯衡

運度無窮極  
億兆無沈淪

三天散玉文

萬劫保至道

第二元始神符上清禹餘天隱諱



第三太一洞玄化符之歌

玉網凝太眇  
靈輝散景敷  
煥落高上丈  
纏羅結八區  
紫極洞之體  
皇人按筆書  
衆道分氣化  
千篇保萬殊  
神虎制大魔

金光却百邪  
法治垂真範  
咸歸無上居  
嘯詠契靈會  
旋轡登雲衢


總命清微館  
大格法幽樞  
寥寥隱韻歌  
我道長相扶

天職奉玄圖  
混變齊一德  
奕奕昭皇虛  
輕飛駕綠軒

第三元始神符玉清清微天隱諱

黃八

十二



此三天之上飛空之中玄變神符自然成文

太一真符三洞真君神符歌音音參洞章誦  
之百遍名度南宮誦之千遍魔王保迎萬遍  
道備飛昇太空過度三界位登僊公有聞靈  
音魔試逃形敕制地祇侍衛送迎過度世殃  
解除厄患治官刀兵五苦八難七祖昇遷永  
離鬼官神符度屍魄鍊更生乘道威神受化  
自然神符護生上聞諸天有祕上天文諸天  
共所崇泄慢墮地獄禍及七祖翁

道言此洞章並是諸天上帝及度符神王直  
符真君隱秘之音皆是大梵之言非世上常

辭言無韻麗曲無華宛故謂玄奧難可尋詳  
上天所寶祕於三天三洞寶宮依玄科四萬  
劫一傳若有至人齋金寶質心依舊格告盟  
十天然後而付焉

道言夫天地厄運亦有刑會日月五星亦有

第八

十三

照臨爲厄爲殃至聖神人亦有休否末學之  
夫亦有厄難凡有此災同氣皆當齊心修齋  
六時行香受符轉經福德立降消諸不祥無  
量之文普度無窮

道言夫末學道淺或僊品未充運應滅度身

經太陰臨過之時同學至人爲其行香受符  
佩卧或安衣褥中誦經十過以度屍形如法  
魂神徑上南宮隨其學功計日而得更生轉  
輪不滅便得神僊

道言三元厄運災難競生亦當修齋行香受  
符誦經星宿臨命違難橫逆亦當修齋行香  
受符誦經賊難兵難水火河井摧石刀繩疫  
癘冤害夫婦刑破男女天傷師友連注一切  
諸難皆當修齋行香受符誦經夫受符誦經  
功德甚重三天神符隨師所用悉致大驗上

消天災保鎮帝王下禳禍難以度兆民生死  
受符其福難勝故曰無量普度天人

道言凡有是經能為君臣父子兆民行是功  
德有災之日發心修齋燒香受符誦經十過  
皆諸天記名萬神侍衛受符至人尅得為聖  
君金闕之臣諸天記人功過毫分無失天中  
真僊度符神王亦保舉爾身得道者乃當洞  
明至言也

諸天中大梵神符隱語無量音 道君譔

元始神符玉篇

東方八天

紫宸洞京

太微靈音

緬羅極梵

太覺洎曇

玉那何逮

丹網惠矜

華常健無

僊補爰臻

然眇梵羅

都美奚雲

領阨宛遂

素已正門

第八

妙神越虛

青都靈玄

十四超慶僊度

天蹟逾負

南方八天

符名顯驅

金英玉詵

昭敕制魔

月儀祖前

文尼逮臺

花明郁千

都山由房 招卑帝遭 瓊除絳齒  
沈浮青鸞 安進日賓 蔡池四輪  
竟育空遙 珍極魔容 太盡僊離  
浩冥思宮

西方八天

龜亭浦中 燕希奇通 莽疇充列  
虹景逸堂 宋榭沈曦 盧東嶽嶠  
梵寂空歌 卦奧靈都 子景覓瞿  
步亨峙由 符止冤律 霞芒焰首  
柏苔星蘇 梵津演神 韻慶牛張

微陳篤僊

北方八天

關敷秀名 丹精播乾 化樂自幾

升斗乘玄 注盡隸允 無真妙雲

迪門求叔 碧圓用天 湛餌輝庸

道采弭鮮 黃八 澤婁蘭龍 十五 女布師珍

崑空敕嘉 瑋滋辨真 狄陲微胡

長規孳人

道言此諸神符布化之天所現赤書大梵隱語無量之音舊文流演天門樓觀館軒之上

天真皇人紫筆錄之字方一丈八角垂芒曲  
麗道妙施於十方上下以爲神靈寶符之文  
也有知其音能齋而誦之或以丹書一天八  
字爲符用之大驗諸天皆遣度符神王直符  
真君太一使者下觀其身書其功勤上奏諸

天萬神朝禮地祇侍門大勳三界保舉上真  
道備尅得遊行神景昇入帝闕此音無所不  
辟無所不禳無所不度無所不成天真自然  
之音也故誦之致飛天下觀上帝遙唱萬神  
聽命三元侍軒羣袂束首鬼精自亡空洞泛

響海嶽凝煙天映碧彩地秀丹連淨朗宛默  
萬氣回旋靈文廓爽招集羣仙上無氛穢下  
無袂塵冥慧洞清大量玄玄也

元始無量度人上品妙經卷之三十八